

四庫全書

子部

欽定四庫全書

子部

備急千金要方卷三十八

詳校官太醫院醫士_臣舒岱

編修_臣倉聖脈覆勘

總校官中書_臣朱鈐

校對官中書_臣胡紹基

謄錄監生_臣秦聯登

欽定四庫全書

備急千金要方卷三十七

唐

孫思邈

撰

宋

林億等

校正

肝臟方

筋極第四

論
灸法

論曰夫六極者天氣通於肺地氣通於啗風氣應於肝

雷氣動於心穀氣感於脾

素問穀作谷也

雨氣潤於腎六經爲

川腸胃爲海九竅爲水注之氣所以竅應於五臟五臟

邪傷則六腑生極故曰五臟六極也

論曰凡筋極者主肝也肝應筋筋與肝合肝有病從筋生又曰以春遇病爲筋痺筋痺不已復感於邪內舍於肝則陽氣入於內陰氣出於外若陰氣外出則虛虛則筋虛筋虛則善悲色青蒼白見於目下若傷寒則筋不能動十指爪皆痛數好轉筋其源以春甲乙日得之傷風風在筋爲肝虛風也若陽氣內發發則實實則筋實筋實則善怒嗔乾傷熱則欬欬則脇下痛不能轉側

又脚下滿痛故曰肝實風也然則因其輕而揚之因其重而減之因其衰而彰之審其陰陽以別柔剛陽病治陰陰病治陽善治病者病在皮毛肌膚筋脉而治之次治六腑若在五臟則半死矣扁鵲云筋絕不治九日死何以知之手足爪甲青黑呼罵口不息筋應足厥陰足厥陰氣絕則筋縮引卵與舌筋先死矣

橘皮通氣湯治筋實極則欬欬則兩脇下縮痛痛甚則不可轉動方

橘皮

兩四

白朮

石膏

兩各五

細辛

當歸

桂心

茯苓

兩各三

香豉

升一

右八味㕮咀以水九升煮取三升去滓分三服

丹參散治筋實極則兩脚下滿滿而痛不得遠行脚心如割筋斷折痛不可忍者方

丹參

兩三

芎藭

杜仲

續斷

地骨皮

兩二

乾地黄

當歸

通草

升麻

麥門冬

禹餘糧

桂心

兩一六銖

麻黃

各一兩
十八銖

牛膝

二兩
六銖

甘草

生薑

切炒取
焦乾

牡蠣

各二
兩半

右十七味治下篩爲粗散以絹袋子盛二方寸匕以

井花水二升煮數動袋子煮取一升頓服日二

地黃煎治筋實極手足爪甲或青或黃或黑烏黯四肢

筋急煩滿方

生地黃汁

三升生葛汁

生玄參汁

各一
升

大黃

升麻

各二
兩

麻黃

梔子仁

犀角各三兩

石膏五兩

芍藥四兩

右十味㕮咀以水七升先煮七物取二升去滓次下地黃汁煎一兩沸次下葛汁煎取三升分三服日再五加酒治筋虛極筋痺好悲思顏色蒼白四肢噓吸脚手拘攣伸動縮急腹中轉痛方

五加皮

斤一

薏苡仁

升半

枳刺

升二

大麻仁

升三

猪椒根皮

丹參

兩八

乾薑

芎藭

兩五

桂心

當歸

甘草

兩三

天雄

秦椒

白鮮

通草

各四兩

右十五味㕮咀以絹袋盛清酒四斗漬春夏四日秋冬六七日初服六七合稍稍加以知爲度

人參酒治筋虛極則筋不能轉十指爪皆痛數轉筋或交接過度或病未平復交接傷氣內筋絕舌捲脣青引卵縮肝脉疼急腹中絞痛或便欲絕不能飲食方

人參

防風

茯苓

細辛

秦椒

黃耆

當歸

牛膝

桔梗

各一兩半

乾地黄

丹參

薯蕷

鍾乳

礬石

各二兩

山茱萸

芍藥

各二兩

白朮

麻黃

各二兩半

大棗

三十枝

五加皮

一升

生薑

乾切炒

烏麻

碎各二升

右二十二味㕮咀鍾乳別以小袋子盛清酒二斗半

浸五宿溫服三合日再不知隨意增進一本無烏麻

用杜仲一兩半

治交接損卵縮筋攣方

燒婦人月經衣灰服方寸匕

治筋絕方

熬蟹腦足髓內瘡中筋即續

灸法

勞冷氣逆腰髁冷痺脚屈伸難灸陽蹻一百壯在外踝
下容爪

腰背不便轉筋急痺筋攣灸第二十一椎隨年壯
轉筋十指筋攣急不得屈伸灸脚外踝骨上七壯

失精筋攣陰縮入腹相引痛灸中封五十壯在內踝前筋裏宛宛中

又云灸下滿各五十壯老人加之小兒隨年壯法

又云此二穴喉腫厥逆五臟所苦鼓脹悉以主之

轉筋脛骨痛不可忍灸屈膝下廉橫筋上三壯

腹脹轉筋灸臍上一寸二七壯

堅癥積聚第五

論方
灸法

論曰病有積有聚何以別之答曰積者陰氣也聚者陽

氣也故陰沈而伏陽浮而動氣之所積名曰積氣之所聚名曰聚故積者五臟之所生聚者六腑之所成故積者陰氣也其始發有常處其痛一作病也不離其部上下有所終始左右有所窮已聚者陽氣也其始發無根本上下無所留止其痛無常處謂之聚也故以是別知積聚也

經絡受病入於腸胃五臟積聚發伏梁息賁肥氣否氣奔豚積聚之始生至其已成奈何曰積之始生得寒乃

生厥止乃成積人之善病腸中積者何以候之曰皮薄而不澤肉不堅而淖澤如此則腸胃傷惡惡則邪氣留止積聚乃作腸胃之積寒溫不次邪氣稍止至其畜積留止大聚乃起病有身體腰髀股肱皆腫環臍而痛是謂何病曰病名伏梁此風根也不可動動之爲水溺瀦之病小腹盛左右上下皆有根者伏梁也裹膿血居腸胃之外不可治治之每切按之致死此下則因陰必下膿血上則迫胃管生

王冰云當作出

膈俠胃管內癰此久病也

難療居臍上爲逆慎勿動亟奪其氣溢於大腸而著於
盲盲之原在臍下故環臍而痛

三台圓治五臟寒熱積聚臃脹腸鳴而噫食不生肌膚
甚者嘔逆若傷寒寒瘧已愈令不復發食後服五丸飲
多者十九常服令人大小便調和長肌肉方

大黃

熬

前胡

各二兩

硝石

葶藶

杏仁

各一升

厚朴

附子

細辛

半夏

各一兩

茯苓

半兩

右十味爲末蜜和搗五千杵丸如梧子大服五丸稍加至十丸以知爲度

五石烏頭圓治男子女人百病虛弱勞冷宿寒久癖及癥瘕積聚或嘔逆不下食并風濕諸病無不治之方

鍾乳

鍊

硫黃

礬石

紫石英

赤石脂

枳實

甘草

白朮

紫菀

山茱萸

防風

白薇

桔梗

天雄

皂莢

細辛

茯苓

人參

附子

藜蘆

各一兩
六銖

麥門冬

乾薑

蜀椒

吳茱萸

桂心

各二兩半

烏頭

三兩

厚朴

遠志

茯苓

各一兩半

當歸

二兩

棗膏

五合

乾地黄

一兩十銖
八銖

右三十二味為末蜜和搗五千杵丸如梧子大酒服

十九日三稍加之

烏頭圓治男子女人寒冷腹內積聚邪氣往來厥逆搶

心心痛痺悶吐下不止婦人產後羸瘦方

烏頭

十五枚

吳茱萸

蜀椒

乾薑

桂心

各二兩半

乾地黄

一兩半

前胡

細辛

人參

芍藥

白朮

各一兩六銖

皂莢

紫苑

白薇

芍藥

各十八銖

右十五味為末蜜丸如梧子大酒下十丸日三稍加之以知為度

治心腹疝瘕脇下及小腹滿堅痛有積寒氣入腹使人

腹中冷發甚則上搶心氣滿飲食喜嘔方

大黃

茯苓

各一兩半

桂心

黃芩

吳茱萸

細辛

人參

蜀椒

乾薑

各一兩六銖

男髮灰

半兩

牡丹

甘草

芎藭

茯苓

麝蟲

各十八銖

芍藥

防葵

蜚蠊

厚朴

半夏

各一兩

右二十味爲末蜜丸如梧子大服五九日再漸加之

恒山圓治脇下邪氣積聚往來寒熱如溫瘧方

恒山

蜀漆

白薇

桂心

鮑甲

白朮

附子

鼈甲

麋蟲

貝齒

各一兩半

蜚蠊

六銖

右十一味爲末蜜丸如梧子大以米泔清服五九日

三

又方蒸鼠壤土熨之冷即易腹中切痛炒鹽半升令焦
內湯中飲之大吐瘥若手足痛者燒青布內小口器中
熏痛處

神明度命圓治久患腹內積聚大小便不通氣上搶心
腹中脹滿逆害飲食方

大黃

芍藥

各二兩

右二味爲末蜜丸如梧子大服四九日三不知可加
至六七丸以知爲度

治萬病積聚方

七八月收蒺藜子不限多少以水煮過熟取滓曝令
乾搗篩蜜丸如梧子大酒服七丸以知爲度其汁煎

如飴服之

陷胃湯治胃中心下結積飲食不消方

栝蒌實

大黃

黃連

各二兩

甘草

一兩

右四味㕮咀以水五升煮取二升五合分三服

太乙神明陷冰圓治諸疾破積聚心下支滿寒熱鬼注
長病欬逆唾噫辟除衆惡殺鬼逐邪氣惡胃中結氣咽
中閉塞有進有退繞臍惻惻隨上下按之跳手心中愠
愠如有蟲狀毒注相染滅門

雄黃

油煮一日

丹砂

礬石

當歸

大黃

各二兩

巴豆

一兩

犀角

鬼白

射罔

藜蘆

各一兩

真珠

附子

各一兩半

麝香

牛黃

人參

各半兩

蜈蚣

蜥蜴

各一枚

芫青

五枚

烏頭

八枚

杏仁

四十枚

斑猫

七枚

樗雞

地膽

各三七枚

桂心

三兩

右二十四味爲末蜜和擣三萬杵丸如小豆大先食

飲服二丸日二不知稍加仍以藥二丸安門戶上令

衆惡不敢近家及視病人夜行獨宿服二九令衆惡不敢近傷寒服之無不即瘥

此方與尸症篇方重

蜥蜴圓治癰堅水腫蜚尸百注通注尸注骨血相注惡氣鬼忤蟲毒邪氣往來夢寤存亡留飲結積虎狼所噬獠犬所作鳩毒入人五臟服藥以消殺其毒食不消婦人邪鬼忤亦能遣之方

蜥蜴

蜈蚣 各二枚

地膽 五十枚

麝蟲

蠱蟲

杏仁 各三十枚

蜚蠊 十四枚

朴硝

巴豆各一兩 欬冬花

犀角

桃奴

澤漆

桑赤雞

鬼督郵各十 芍藥

虎骨

各一兩半

甘草

乾薑各一兩

甘遂一兩六銖

右二十味爲末別治巴豆杏仁如膏內藥末研調下

蜜搗二萬杵丸如麻子先食飲服三丸日一不知加

之不敢吐下者一丸有人風冷注癖堅二十年者得

瘥

此方與尸症篇方重

大五明狼毒圓治堅癖瘕在人胃脇或在心腹方

狼毒

乾地黄

各四兩

附子

大黃

茯苓

人參

當歸

細辛

蜀椒

五味子

藺茹

熬令煙盡
息各一兩

半夏

二兩

乾薑

桂心

各一兩半

芫花

莽草

厚朴

防己

旋覆花

各半兩

杏仁

三十枚

巴豆

二十枚

右二十一味爲末蜜和丸如梧子大服二丸日二夜

一以知爲度

小狼毒圓治同前

狼毒

兩三

附子

旋覆花

半夏

蘭茹

白附子

各二兩

右六味爲末蜜和擣五千杵丸如梧子大飲服三九

加至十九日三

肘後方無半夏白附子蘭茹只有三味

狼毒圓治堅癖方

狼毒

兩五

半夏

杏仁

各三兩

桂心

兩四

附子

蜀椒

細辛

各二兩

右七味爲末別搗杏仁蜜和丸如大豆飲服二丸
甘遂湯治暴堅久痞腹有堅方

甘遂

黃芩

芒硝

桂心

細辛

各一兩

大黃

三兩

右六味咬咀以水八升煮取二升半分三服

治卒暴癥腹中有物堅如石痛如斫刺晝夜啼呼不治
百日必死

牛膝二斤咬咀曝令乾以酒一斗浸之密塞器口煎

取半服半升一服便吐去宿食神效

治卒暴癰方

擣碎商陸根蒸之以新布籍腹以藥鋪著其上以衣物覆其上冷易之數日用之旦夕勿息

又方蒜

十斤取五月五日戶上者去皮

桂心一尺二寸

竈中黃土

如雞子大一枚

右三味合擣以淳苦酒和塗布上以掩病處不過三

日消凡蒜亦佳

肘後方不用桂

野葛膏治卒暴癰方

野葛

一尺

當歸

附子

雄黃

油煮一日

細辛

各一兩

蜀椒

半兩

烏頭

二兩

巴豆

一百枚

右八味咬咀以大醋浸一宿猪膏二斤煎附子色黃去滓內雄黃粉攪至凝傅布上以掩癰處復以油重布上復著十重紙以熨斗盛火著其上常令熱日三夜二須膏乾為度

消石大圓治十二癰瘕及婦人帶下絕產無子并欲服

寒食散而腹中有癥瘕實者當先服大丸下之後與寒食散大丸不下水穀但下病耳不令人困方

消石

六兩朴硝亦得

大黃

八兩

人參

甘草

各二兩

右四味爲末以三年苦酒三升置銅器中以竹筋拄器中一升作一刻凡三升作三刻以置火上先內大黃常攪不息手使微沸盡一刻乃內餘藥又盡一刻餘一刻極微火使可丸如雞子中黃凡合藥當先齋戒一宿勿令小兒女人奴婢等見之欲下病者用二

丸若不能服大丸者可分作小丸然亦不可過四丸也丸欲令大不欲令細能不分爲善若人羸者可少與强者可二十日五服和調半日乃下若婦人服之下者或如雞肝或如米汁正赤黑或一升或三升下後慎風冷作一杯粥食之然後作羹臠自養如產婦法六月則有子禁生魚猪肉辛菜若寒食散者自如藥法不與此同日一服

土瓜圓治諸藏寒氣積聚煩滿熱飲食中蠱毒或食生

物及水中蟲卵生入腹而成蟲蛇若爲魚鼈留飲宿食
婦人產瘕帶下百病陰陽不通利大小便不節絕傷墮
落寒熱交結脣口焦黑身體消瘦嗜卧少食多魘產乳
胞中餘疾股裏熱少腹中急結痛引陰中方

土瓜根

桔梗

各半
升末

杏仁

升一

大黃

一斤蒸二斗
末下曝乾

右四味爲末蜜丸如梧子大空腹飲服三丸日三不
知加之以知爲度

治凡所食不消方

取其餘類燒所末酒服方寸匕便吐去宿食即瘥有
食桃不消作病者以時無桃就樹間得槁桃燒服之
登時吐病出甚良

治卒食不消欲成癥積方

煎艾汁如飴取半升作一服便刺吐去宿食神良古今

錄驗方白艾五尺圍一束

薏苡根一大把二味同煎

治食魚肉等成癥結在腹內并諸毒氣方

狗屎五升燒末綿裹以酒一斗浸再宿濾取清分十服日三三日令盡隨所食癥結即出

治雜食瘀實不消心腹堅痛方

以水三升煮白鹽一升令消分三服刺吐去所食并

治暴癥

治癥堅心下有物大如杯不得食食則腹滿心腹絞痛方

葶藶子

大黃

各二兩

澤漆

四兩

右三味別研葶藶為膏其二味搗五百杵入蜜更搗千杵和丸如梧子大服五丸不知加之日三

治小腹堅大如盤胃中滿脹食不消化婦人瘦瘠方

以暖水服髮灰一方寸匕日再并灸肋端

又方飲服上好麴末方寸匕日三又灸三焦輸隨年

壯瘥

治伏梁氣方

白馬尿銅器中盛取每旦服一升

治癥瘕方

槲樹白皮煎令可丸服之取知病動若下減之

椒熨方治患癥結病及瓜病似瓜形日月形或在臍左右或在臍上下或若鼈在左右肋下或當心如合子大法先針其足以椒熨之

取一新盆子受一斗者底鑽一百二十孔孔上著椒三合上著一重紙紙上著冷灰一升冷灰上著熱灰半升上著剛炭火一斤經一食頃盆底熱徹當病上初安氈一重即安火盆火盆大熱以漸更加一重若

火更熱不可忍加至三重暫歇進一口冷飲還上火
消二分許即停止經三日勿著及至七日決得頓瘥
然後食美食自補若小不瘥作露宿丸服之

方見別卷

治腹中積癥方

葶藶子一升熬以酒五升浸七日每服三合日三

治蛇癥方

白馬尾切長五分以酒服方寸匕大者自出更服二
分者一方寸匕中者亦出更服三分者一方寸匕小

者復出不可頓作一服殺人

馬尾一本
作馬毛

大黃湯治蛇癰方

大黃

茯苓

各半兩一
本作黃芩

烏賊骨

二枚

皂莢

六枚如
猪牙者

甘草

如指大
者一尺

芒硝

如雞子
大一枚

右六味咬咀以水六升煮三五沸去滓內消適寒溫
盡服之十日一劑作如上法宿勿食平旦空腹服病
根當下也

治鼈癰腹堅硬腫起大如盆眠臥不得方

食中得病為
鼈癰在心下

堅強

取藍一斤擣水三升絞取汁每服一升日二

又方蒴藿根白皮一握研取汁以水和頓服之

又方白馬尿一升雞子三枚取白合煎取二合空腹頓服不移時當吐病出

又方雞屎一升炒令黃取五合以酒一升浸取半擣為末以所浸酒服方寸匕日二服三日中作一劑

治蛟龍病

開皇六年三月八日有人食芹得之其人病發似癰癩面色青黃因食寒食錫過多便吐

出狀似蛟龍
有頭而有尾

服寒食飭三斗大驗

山野人有啗蟲在腹生長為蟲癥病治之方

故敗篋子

故敗梳

各一枚

右二件各破為兩分各取一分燒為末又取一分以水五升煮取一升服上件燒末頓服即出

常欲食米若不得米則胸中清水出為米癥治之方

雞屎

一升

白米

五合

右二味合炒令米焦擣末以水二升頓服取盡須臾
吐出病如研米若無米當出痰自此永憎米不復食
之矣

人有思肉不已食訖復思者為肉癰治之方
空腹飲白馬尿三升吐有肉出不出必死

食中有髮不覺因食而入久即胃間如有蟲狀上下去
來惟欲飲油一日之中乃至三二升不欲飲食者為髮
癰方

以油一升以香澤煎之大錘勞貯之安病人頭邊令
口鼻臨油上勿令得飲傳鼻而令有香氣當叫喚取
飲不得與之必當疲極大睡其髮癰當從口出令一
人專守視之并備石灰一裹見癰出以灰粉手捉癰
抽出及盡即是髮也初從腹中出形如不流水中濃
菜隨髮長短形亦如之

又方酒三升煮豬脂二升三沸服一升日二白馬尿服
之亦佳無白馬尿白牛尿亦得

灸法

癰疽灸內踝後宛中隨年壯又灸氣海百壯

久冷及婦人癰疽腸鳴泄利繞臍絞痛灸天樞百壯三
報穴在俠臍兩邊各二寸勿針

積聚堅滿灸脾募百壯穴在章門季肋端

心下堅積聚冷脹灸上管百壯三報穴在巨闕下一寸
積聚堅大如盤冷脹灸胃管二百壯三報穴在巨闕下
二寸

備急千金要方卷三十七

欽定四庫全書

備急千金要方卷三十八 唐 孫思邈 撰

宋 林億等 校正

膽腑方

膽腑脉論第一

論曰膽腑者主肝也肝合氣於膽膽者中清之腑也

難經

云膽者清淨之腑甲乙云中清之腑也號將軍決曹吏重三兩三銖長三

寸三分在肝短葉間下貯水精汁二合

難經作三合

能怒能

喜能剛能柔目下果大其膽乃橫凡膽腦髓骨脉女子胞此六者地氣之所生也皆藏於陰而象於地故藏而不瀉名曰奇恒之腑若胃大腸小腸三焦膀胱此五者天氣之所生也其氣象天故瀉而不藏此受五臟濁氣名曰傳化之腑此不能久留輸瀉者也所謂五臟者藏精氣甲乙作神而不瀉故滿而不能實六腑者傳化物而不藏故實而不能滿所以然者水穀入口則胃實而腸虛食下則腸實而胃虛故曰實而不滿滿而不實也

左手關上陽絕者無膽脉也若膝疼口中苦眵目善畏
如見鬼多驚少力刺足厥陰治陰在足大趾間或刺三
毛中

左手關上陽實者膽實也若腹中不安身軀習習也刺
足少陽治陽在足上第二趾本節後一寸是也

膽病者善太息口苦嘔宿汁心澹澹恐如人將捕之咽
中介介然數唾候在足少陽之本末亦見其脉之陷下
者灸之其寒熱刺陽陵泉若善嘔有苦長太息心中澹

澹善悲恐如人將捕之邪在膽逆在胃膽液則口苦胃氣逆則嘔苦汁故曰嘔膽刺三里以下胃氣逆刺足少陽血絡以開膽却調其虛實以去其邪也

膽脹者脇下痛脹口苦太息

肝前受病移於膽肝欬不已則嘔膽汁

厥陰客於膽則夢闕訟

甲乙云夢闕訟自剗

肝應筋爪厚色黃者膽厚爪薄色紅者膽薄爪堅色青者膽急爪栗色赤者膽緩爪直色白無約者膽直爪惡

色黑多敗者膽結

扁鵲云足厥陰與少陽為表裏表清裏濁其病若實極則傷熱熱則驚動精神而不守臥起不定若虛則傷寒寒則恐懼頭眩不能獨臥發於玄水其根在膽先從頭

面起腫至足

方見治水篇中

膽有病則眉為之傾病人眉系傾者七日內必死

足少陽之脉是動則病口苦善太息心脇痛不能反側甚則面微塵體無膏澤足外反熱是為陽厥是主骨所

生病者頭痛角頷痛目兌皆痛缺盆中腫痛腋腫馬
刀挾癭汗出振寒瘧胃中脇肋髀膝外至脗絕骨外踝
前及諸節皆痛小指次指不用盛者則人迎大一倍於
寸口虛者則人迎反小於寸口也

其經脈經筋支別
已見肝臟部中

膽虛實第二

脈方
灸法

膽實熱

左手關上脈陽實者足少陽經也病苦腹中氣滿飲食
不下咽乾頭痛洒洒惡寒脇痛名曰膽實熱也

半夏湯治膽腑實熱精神不守瀉熱方

半夏

宿薑

各三兩

黃芩

一兩

生地黃

五兩

遠志

茯苓

各二兩

秫米

一斗

酸棗仁

五合

右八味咬咀以千里長流水五斗煮秫米令蟹目沸

揚一千餘徧澄清取九升煮藥取三升半分三服

集驗

方治虛煩悶不得眠無地黃遠志有麥門冬桂心各三兩甘草人參各二兩

治胸中膽病方

灸濁浴隨年壯穴在俠膽輸傍行相去五寸

膽虛寒

左手關上脉陽虛者足少陽經也病苦眩厥痿足指不能搖臂不能起僵仆目黃失精眊眊名曰膽虛寒也

溫膽湯治大病後虛煩不得眠此膽寒故也宜服此方

半夏

竹茹

枳實

各二兩

橘皮

三兩

生薑

四兩

甘草

三兩

右六味咬咀以水八升煮取二升分三服

治膽虛方

灸三陰交各二十壯穴在內踝上一夫

千里流水湯治虛煩不得眠方

麥門冬

半夏

各三兩

茯苓

各四兩

酸棗仁

二升

甘草

桂心

黃芩

遠志

萆薢

人參

生薑

各二兩

秫米

一斗

右十二味咬咀以千里流水一斛煮米令蟹目沸揚萬遍澄清取一斗煮藥取二升半分三服

酸棗湯治虛勞煩擾奔氣在胃中不得眠方

酸棗仁五升

人參

桂心

生薑

各二兩

石膏

四兩

茯苓

知母

各三兩

甘草

一兩半

右八味咬咀以水一斗先煮酸棗仁取七升去滓下

藥煮取三升分三服日三

治虛勞煩悶不得眠方

大棗

二十七枚

蔥白

七莖

右二味以水三升煮取一升去滓頓服

梔子湯治大下後虛勞不得眠劇者顛倒懊懷欲死方

仲景云發汗吐下後虛煩不得眠若劇者必反覆顛倒心中懊懣梔子湯主之

大梔子

十四枚

豉

七合

右二味以水四升先煮梔子取二升半內豉更煮三沸去滓每服一升安者勿更服若上氣嘔逆加橘皮二兩亦可加生薑二兩

治煩悶不得眠方

枸杞

皮白

生地黃

五兩

麥門冬

甘草

前胡

各三兩

茯苓

知母

各四兩

人參

二兩

粟米

豉各五合

右十味咬咀以水八升煮取三升七合分四服

治虛勞不得眠方

酸棗

榆葉各等分

右二味為末蜜丸如梧子每服十五丸日再為度
又方乾薑四兩為末湯和頓服覆取汗病愈

咽門論第三

論曰夫咽門者應五臟六腑往還神氣陰陽通塞之道

也喉嚨胞囊舌者並津液調五味之氣本也不可不研
乎咽門者肝膽之候也其重十兩廣二寸五分至胃管
長一尺六寸主通五臟六腑津液神氣應十二時若臟
熱則咽門閉而氣塞若腑寒則咽門破而聲嘶毋薑酒
主之

方見別卷

熱則通之寒則補之若寒熱調和病不生矣

髓虛實第四

論方

論曰髓虛者腦痛不安髓實者勇悍凡髓虛實之應主
於肝膽若其腑臟有病從髓生熱則應臟寒則應腑

羌活補髓圓治髓虛腦痛不安膽腑中寒方

羌活

芎藭

當歸

各三兩

桂心

二兩

人參

四兩

棗肉

研如脂

羊髓

酥

各一升

牛髓

大麻仁

各二升
熬研如脂

右十味先擣五種乾藥為末下棗膏麻仁又擣相濡為一家下二髓并酥內銅鉢中重湯煎取好為丸如梧子酒服三十九日二服稍加至四十九

柴胡發泄湯治髓實勇悍驚熱主熱方

柴胡

升麻

黃芩

細辛

枳實

梔子仁

芒硝

三兩

淡竹葉

生地黄

一升

澤瀉

四兩

右十味咬咀以水九升煮取三升去滓下硝分三服

風虛雜補酒煎第五方

巴戟天酒治虛羸陽道不舉五勞七傷百病能食下氣方

巴戟天

牛膝

各三斤

枸杞根

白皮

麥門冬

地黃

防風

各二斤

右六味並生用卒無生者用乾者亦得咬咀以酒一石四斗浸七日去滓溫服常令酒氣相續勿至醉吐慎生冷豬魚油蒜春七日秋冬二七日夏勿服先患冷者加乾薑桂心各一斤好忘加遠志一斤大虛勞加五味子菰蓉各一斤陰下濕加五加根皮一斤有石斛加一斤佳每加一斤藥則加酒七升此酒每年入九月中旬即合入十月上旬即服設服餘藥以此

酒下之大妙。滓曝乾，搗為末，以此酒服，方寸匕，三益生。常加甘草十兩，佳。虛勞加黃耆一斤。

又方

巴戟天

生牛膝

各三斤

右二味，㕮咀，以酒五斗淹浸，服如前法。

五加酒治虛勞不足方

五加皮

枸杞根

白皮各一斗

右二味，㕮咀，以水一石五斗煮，取汁七斗，分取四斗。

浸麴一斗餘三斗用拌飯下米多少如常釀法熟壓取服之多少任性禁如藥法倍日將息

天門冬大煎治男子五勞七傷八風十二痺傷中六極一氣極則多寒痺腹痛喘息驚恐頭痛二肺極則寒痺腰痛心下堅有積聚小便不利手足不仁三脉極則顏色苦青逆意喜恍惚失氣狀似悲泣之後苦舌強咽喉乾寒熱惡風不可動不嗜食苦眩喜怒妄言四筋極則拘攣小腹堅脹心痛膝寒冷四肢骨節皆痛疼五骨極

則肢節厥逆黃疸消渴癰疽妄發重病浮腫如水病狀
六肉極則發瘧如得擊不復言甚者至死復生衆醫所
不能治此皆六極七傷所致非獨房室之為也憂恚積
思喜怒悲懼復隨風濕結氣欬時嘔吐食已變大小便
不利時泄利重下溺血上氣吐下乍寒乍熱臥不安席
小便赤黃時時惡夢夢與死人共飲食入冢神室魂飛
魄散筋極則傷肝傷肝則腰背相引難可俯仰氣極則
傷肺傷肺則小便有血目不明髓極則陰痿不起住而

不交骨極則傷腎傷腎則短氣不可久立陰痛惡寒甚者卵縮陰下生瘡濕痺手搔不欲住汁出此皆為腎病甚者多遭風毒四肢頑痺手足浮腫名曰腳弱一名腳氣醫所不治此悉主之方

天門冬

生地黄

各切三斗半
搗壓盡取汁

白蜜

三升
鍊

酥三升
鍊

枸杞根

切三斗淨洗以水二石五斗煮取一斗三升澄清

麋骨

一具搗碎以水一石煮取五斗澄清

右六味並大斗銅器中微火先煎門冬地黄汁減半

乃合煎取大斗二斗下後件散藥煎取一斗內銅器
重釜煎令隱掌可丸如梧子大平旦空腹酒服二十
丸日二加至五十丸慎生冷醋滑猪雞魚蒜油麪等
須擇四時王相日修合其合和一如第一卷合和篇
說散藥如左

茯苓

桂心

白朮

萎蕤

五加皮

菖蒲

遠志

澤瀉

薯蕷

栢子仁

人參

石斛

牛膝

杜仲

覆盆子

細辛

獨活

枳實

芎藭

大豆黃卷

黃耆

菰蓉

續斷

狗脊

胡麻仁

萆薢

白芷

橘皮

茯苓

巴戟天

石南

各二兩

阿膠

十兩

甘草

六兩

蜀椒

薏苡仁

一升

蔓荊子

三兩

大棗

一百枚
煮作膏

鹿角膠

五兩

右三十八味治下篩內煎中有牛髓鹿髓各加三升

大佳小便澀去栢子仁加秦艽二兩乾地黃六兩陰痿失精去萎蕤加五味子二兩頭風去栢子仁加菊花防風各二兩小便利陰氣弱去細辛防風加山茱萸二兩腹中冷去防風加乾薑二兩無他疾依方修合凡此煎九月下旬採藥立冬日合服至五月上旬止若十二月臘日合者經夏至七月下旬止若停留經夏不壞當於舍北陰處入地深六尺填沙置藥中上加沙覆之則經夏不損也女人先患熱者得服患

冷者勿服

填骨萬金煎治內勞少氣寒疝裏急腹中喘逆腰脊痛

方

生地黄

三十斤
取汁

肉蓯蓉

甘草

阿膠

各一斤

麥門冬

乾地黄

二斤

乾薑

茯苓

桑根白皮

桂心

各八兩

人參

桔梗

五味子

附子

各五兩

石斛

一斤五兩

牛髓

三斤

白蜜

十斤

清酒

四斗

麻子仁

三升

大棗

一百五十枚

當歸

十四兩

乾漆

二十兩

蜀椒

四兩

右二十三味先以清酒二斗六升內桑根白皮麻子仁棗膠為刻識之又加酒一斗四升煮取至刻絞去滓內蜜髓地黃汁湯上銅器煎內諸藥末半日許令可丸止大甕盛飲吞如彈丸一枚日三若夏月暑熱煮煎轉味可以蜜地黃汁和諸藥成末為丸如梧子服十五丸不知稍加至三十丸

治男子風虛勞損兼時氣方

甘草

斤一

石斛

防風

茯苓

山茱萸

茯苓

人參

薯蕷

各四兩

桂心

牛膝

五味子

菟絲子

巴戟天

芎藭

各三兩
並為末

生地骨皮

切

生地黄汁

各一升

丹參

二兩

生薑汁

胡麻

以水二斗煮取四升
去滓各二升

牛髓

白蜜

生麥門冬汁

各三升

右二十二味先煮地黃地骨皮胡麻汁減半內牛髓

密薑門冬各等汁微火煎餘八升下諸藥散和令調
內銅鉢中湯上煎令可丸如梧子大酒服三十九日
二加至五十九

小鹿骨煎

一云麋骨

治一切虛羸皆服之方

鹿骨

一具碎

枸杞根

切二分

右二味各以水一斗別罷各煎汁五升去滓澄清乃
合一罷共煎取五升日二服盡好將慎皆用大斗

地黃小煎治五勞七傷羸瘦乾削方

乾地黃

末一升

胡麻油

半升

蜜

二升

猪脂

一斤

右四味銅器中煎令可丸如梧子大飲服三九日三

稍加十九久久常服大有所益瘦黑者肥充

陸抗膏治虛冷枯瘦身無精光虛損諸不足方

牛髓

羊脂

二升

酥

經心錄用猪脂

生薑汁

白蜜

各三升

右五味先煎酥令熟次內薑汁次內蜜次內羊脂牛

髓後微火煎三上三下令薑汁水氣盡即膏成攪令

凝止溫酒服隨人能否不限多少令人肥健發熱也

經心錄云治百病勞損風濕
補益神效男女通可服之良

枸杞煎補虛羸久服輕身不老神驗方

九月十日取生濕枸杞子一升清酒六升煮五六沸
出取熟研漉取汁令其子極淨曝令乾擣末和前汁
微火煎令可丸酒服二方寸七日二加至三七亦可
丸服三十丸

夏姬杏仁煎方

杏仁三升內湯中去皮尖兩仁熟擣盆中水研取七八升汁以鐵釜置塘火上取羊脂四斤就釜內磨消內杏仁汁溫之四五日色如金狀餌如彈子日三服百日肥白易容人不能識也

又方杏仁熬黃去皮尖擣服如梧子日三治枯瘦令人潤澤無所禁欬逆上氣喉中百病心下煩不得咽者得茯苓欬冬紫苑併力大良其藥生熟熟冷喉中如有息肉者亦服之桃仁煎方

桃仁為末

蜜各一斤

酥半斤

胡麻末一升

牛乳五升

地黄十斤
取汁

右六味合煎如飴旋服之

治五勞七傷方

白羊頭蹄

一具淨治更以草火燒令黃
赤以淨綿急塞鼻及腦孔

胡椒

萆撥

乾薑各一兩

蔥白一升

豉二升

右七味先以水煮頭及蹄半熟即內藥煮令極爛去

藥冷暖任性食之日一具七日凡七具忌生冷酢滑
五辛陳臭等物

治虛勞補方

羊肚

一具切

白朮

一升

右二味以水二斗煮取六升每服二升日三為度

又方

豉

一升蒸三遍

薤白

一斤切

右二味以水七斗煮取三升分三服小取汗

膏煎治虛羸瘦方

不中水猪肪煎取一升內蔥白一握煎令黃出內盆
中平旦空腹服訖暖覆臥至晡時食白粥粥不得稀
過三日服補藥方如左

羊肝具一

羊脊膂肉一條麴末半斤

枸杞根十斤

右四味以水三斗煮枸杞取一斗去滓細切肝等內
汁中煮著蔥豉鹽如羹法合煎看如稠糖即好食之
七日禁如藥法

補虛方

猪肚

具一

人參

兩五

蜀椒

兩一

乾薑

兩半二

蔥白

兩七

白粱米

半斤千金翼用粳米

右六味咬咀諸藥令相得和米內肚中縫合勿令泄

氣取四斗半水緩火爛煮空腹食之大佳兼下少飯

吐血第六

論灸法方

論曰稟邱云吐血有三種有內衄有肺疽有傷胃內衄者出血如鼻衄但不從鼻孔出是近從心肺間津液出

還流入胃中或如豆羹汁或如切鰕血凝停胃中因即
滿悶便吐或去數斗至一石者是也得之於勞倦飲食
過常所為也肺疽者或飲酒之後毒滿悶吐之時血從
吐後出或一合半升一升是也傷胃者因飲食大飽之
後胃中冷則不能消化不能消化便煩悶強嘔吐使所
食之物與氣共上衝蹶因傷裂胃口吐血色鮮正赤腹
絞痛白汗出其脉緊而數者為難治也問曰病胃脇支
滿妨於食病至則先聞腥臊臭出清液先唾血四肢清

目眩時時前後血病名為何何以得之對曰病名血枯
此得之年少時有所大奪血若醉入房中氣竭而肝傷
故使月事衰少不來也治以鷓鴒賊骨蘭茹二味并合丸
以雀卵大如小豆以五丸為後飯飲以鮑魚汁利腸中
及傷肝也凡吐血後體中但自惓惓然心中不悶者輒
自愈假令煩躁心中悶亂紛紛嘔吐顛倒不安醫工又
與黃土湯阿膠散益加悶亂卒至不濟如此悶者當急
吐之方

瓜蒂二分

杜蘅

人參各一分

右三味治下篩服一錢匕或無水漿但得下即可贏
人小減之吐去青黃或吐血一二升無苦

黃土湯治吐血方

伏龍肝

雞子大三枚

桂心

乾薑

當歸

芍藥

白芷

甘草

阿膠

芎藭各一兩

生地黄八兩

細辛半兩

吳茱萸二分



右十二味㕮咀以酒七升水三升合煮取三升半去滓內膠煮取三升分三服亦治衄血

又方治卒吐血及衄血方

伏龍肝

半斤

甘草

乾薑

仲景作地黃

白朮

阿膠

黃芩

各三兩

右六味㕮咀以水一斗煮取三升去滓下膠分三服

仲景有附子

三兩為七味

生地黃湯治憂恚嘔血煩滿少氣胃中痛方

生地黄

斤一

大棗

五十枚

阿膠

甘草

各三兩

右四味咬咀以水一斗煮取四升分四服日三夜一

堅中湯治虛勞內傷寒熱嘔逆吐血方

糖

三斤

芍藥

半夏

生薑

甘草

各三兩

桂心

二兩

大棗

五十枚

右七味咬咀以水二斗煮取七升分七服日五夜二

千金翼無甘草
桂心有生地黄

治噫止唾血方

石膏

兩四

厚朴

兩三

麻黃

生薑

五味子

半夏

杏仁

兩各二

小麥

升一

右八味咬咀以水一斗煮麻黃去沫澄取七升內藥煮取二升半分再服

治吐血胃中塞痛方

芍藥

乾薑

茯苓

桂心

當歸

大黃

芒硝

兩各三

阿膠

甘草

人參

兩各二

麻黃

兩一

乾地黃

兩四

蝨蟲

水蛭

各八枚

大棗

二十枚

桃仁

一百枚

右十六味㕮咀以水一斗七升煮取四升分五服日

三夜二

治吐血內崩上氣面色如土方

乾薑

阿膠

栝葉

各二兩

艾

一把

右四味㕮咀以水五升煮取一升內馬通汁一升煮

取一升頓服

仲景名栝葉湯不用阿膠小品不用栝葉與肘後同

治吐血酒客溫疫中熱毒乾嘔心煩方

蒲黃

犀角

枯蘂根

甘草

各二兩

葛根

桑寄生

各二兩

右六味㕮咀以水七升煮取三升分三服

澤蘭湯治傷中裏急胃脇攣痛欲嘔血時寒時熱小便

赤黃此皆傷於房勞故也

澤蘭

糖

各一斤

桂心

桑根

白皮

人參

各二兩

遠志

二兩

生薑

五兩

麻仁

升

右八味㕮咀以醇酒一斗五升煮取七升去滓內糖

食前服一升日三夜一勿勞動

治忽吐血一兩口或是心衄或是內崩方

蟬螬

五枚

牛膝

牡丹

王不留行

麥門冬

二兩

萆薢

芍藥

乾地黄

四兩

續斷

阿膠

各三兩

右十味咬咀以生地黄汁五升赤馬通汁三升煮取三升分三服不瘥更合數劑取瘥止

又方熟艾三雞子許水五升煮取二升頓服

又方燒亂髮灰水服方寸匕日三服

集驗云治舌上忽出血如簪孔者亦

治小便
出血者

治虛勞吐血方

生地黃肥者五升搗以酒一升煮沸三上三下去滓

頓服

又方凡吐血服桂心末方寸匕日夜可二十服

肘後云亦療下

血良

又方生地黃五斤絞取汁微火煎三沸投白蜜一升又

煎取三升每服半升日三主胃痛百病久服佳

又方栢葉一斤以水六升煮取三升分三服

又方

生地黄汁升半川大黃末一方寸匕

右二味先溫地黄汁一沸次內大黃攪和空腹頓服

日三瘥

犀角地黄湯治傷寒及溫病應發汗而不汗之內畜血者及鼻衄吐血不盡內餘瘀血大便黑面黃消瘀血方

犀角一兩

生地黃八兩

芍藥三兩

牡丹皮二兩

右四味㕮咀以水九升煮取三升分三服喜妄如狂者加大黃二兩黃芩三兩其人脉大來遲腹不滿自言滿者為無熱但依方不須有所增加

治五臟熱結吐血衄血方

伏龍肝

雞子一枚

生竹茹升

芍藥

當歸

黃芩

芎藭

甘草

各二兩

生地黃

一斤

右八味㕮咀以水一斗三升先煮竹茹減三升下藥

取三升分三服

千金翼有桂心

當歸湯治衄血吐血方

當歸

乾薑

芍藥

阿膠

各二兩

黃芩

三兩

右五味㕮咀以水六升煮取二升分三服

治上焦熱膈傷吐血衄血或下血連日不止欲死並主之

艾葉

竹茹

各一升

阿膠

如手掌大

乾薑

二兩

右四味咬咀以水三升煮取一升去滓內馬通汁半升煮取一升頓服一方不用竹茹加乾薑作七兩又方取新馬屎與少水和絞取汁

治虛勞崩中吐血下血上氣短氣欲絕面黑如漆方

黃耆

芍藥

芎藭

甘草

各四兩

生薑一斤

右五味咬咀以酒五升浸一宿明旦更以水五升煮取四升分四服日三夜一下陰中毒如湯沃雪凡夏

月不得宿浸藥酒客勞熱發痔下血其穀道熱者去
生薑用生地黃代之凡進三兩劑

竹茹湯治吐血汗血大小便下血方

竹茹

二升

甘草

芎藭

黃芩

當歸

各六分

芍藥

白朮

人參

桂心

各一兩

右九味咬咀以水一斗煮取三升分四服日三夜一

治九孔出血方

搗荊葉汁酒服二合

一本作荊芥

治吐血蟲毒痔血女子腰腹痛大便後出清血者方

取東向藁荷根搗絞取汁二升頓服立瘥

赤小豆散諸下血先見血後見便此爲遠血宜服黃土

湯

方見前七味仲景方是

先見便後見血此近血宜服赤小豆散

方

赤小豆

三升熬令折

當歸

三兩

右二味治下篩每服方寸七日三

乾地黃圓治血虛勞胃腹煩滿疼痛瘀血往來臟虛不受穀氣逆不得食補中理血方

乾地黃

三兩

當歸

乾薑

麥門冬

甘草

黃芩

各二兩

厚朴

乾漆

枳實

防風

大黃

細辛

白朮

各一兩

茯苓

五兩

前胡

六分

人參

五兩

蟲蟲

麋蟲

各五枚

右十八味為末蜜丸如梧子大先食服十九日三稍

加

麥門冬湯治凡下血虛極方

麥門冬

白朮

各四兩

甘草

一兩

牡蠣

芍藥

阿膠

各三兩

大棗

二十枚

右七味㕮咀以水八升煮取二升分再服

胃中瘀血積滿脇膈痛不能久立膝痿寒三里主之

嘔血肩脇痛口乾心痛與背相引不可效效引腎痛不

容主之

一作容

心膈下嘔血上管主之 唾血振寒噤乾大淵主之

嘔血太陵及却門主之 嘔血上氣神門主之 內傷

唾血不足外無膏澤刺地五會

灸法

治虛勞吐血灸胃管三百壯亦主勞嘔逆吐血少食多

飽多唾百病

多唾一作多睡

吐血唾血灸胃堂百壯不可針

吐血酸削灸肝輸百壯

吐血腹痛雷鳴灸天樞百壯

吐血唾血上氣欬逆灸肺輸隨年壯

吐血嘔逆灸手心主五十壯

千金翼云太陵是

凡口鼻出血不止名腦衄灸上星五十壯入髮際一寸

是

大便下血灸第二十椎隨年壯

備急千金要方卷三十八

欽定四庫全書

子部

備急千金要方卷

三十九
四十

詳校官太醫院醫士

臣舒岱

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣秦聯登

欽定四庫全書

備急千金要方卷三十九

唐

孫思邈

撰

宋

林億等

校正

膽腑方

萬病丸散第七

論方

論曰聖人之道以慈濟物博求衆藥以戒不虞倉卒之際應手皆得故有萬病方焉余以此方散在羣典乃令學者難用討尋遂鳩撮要妙以為斯品庶使造次可得

好事君子安不忘危無事之暇可預和合以備病瘵也

芫花散治一切風冷痰飲癥癖瘡癰萬醫所不治者皆

治之

一名登仙酒
一名三建散

芫花

桔梗

紫菀

大戟

王不留行

烏頭

附子

天雄

白朮

五加皮

薏苡

狼毒

莽草

藥荊

栝蒌根

躑躅

麻黃

白芷

荊芥

茵芋

各十分

車前子

石斛

人參

石南

石長生

各七分

蛇床子

葶藶

牛膝

狗脊

菟絲子

茯苓

秦艽

各閔分

藜蘆

薯蕷

薏苡仁

巴戟天

細辛

當歸

芎藭

乾地黃

食茱萸

杜仲

厚朴

黃耆

山茱萸

乾薑

芍藥

桂心

黃芩

吳茱萸

防己

遠志

蜀椒

獨活

五味子

牡丹

橘皮

通草

柴胡

栝子仁

藁本

菖蒲

茯苓

續斷

各二分

右六十四味

千金翼有麻花半夏赤車使者高良薑紫葳無白朮食茱萸等七味

並不

治不擇不灸不熨但振去塵土擣以粗羅下之即與服凡是猪雞五辛生冷酢滑任意食之無所忌惟諸豆皆殺藥不得食

藥散

三兩

細麴末

二升

糯米

三升

真酒

五升

先以三大斗水煮米作粥須極熟冬月揚去火氣春
月稍涼夏月揚絕火氣令極冷秋稍溫次下麴末搗
使和柔相得重下藥末搗使突突然好熟乃下真酒
重搗使散盛不津器中以淨杖攪散經宿即飲直以
布蓋不須密封凡服藥平旦空心服之以知爲度微
覺發動流入四肢頭面習習然爲定勿更加之如法
服之常常內消非理加增必大吐利服散者細下篩
服一方寸匕和水酒漿飲無在稍增以知爲度服丸

者細下篩蜜丸如梧子每服七丸但此藥或丸或散皆可惟不得作湯若欲得補不令吐瀉但取內消大益勝於五石兼逐諸病功

十二種癰痺并風入頭眼暗漠漠及上氣欬嗽喉中如水雞聲不得眠臥飲食不作肌膚五臟滯氣積聚不消壅閉不通心腹脹滿及連胃背鼓氣堅結流入四肢或復又心膈氣滿時定時發十年二十年不瘥五種下痢疳蟲寸白諸蟲上下冷熱久積痰飲令人多睡消瘦無

力陰入骨髓便成滯患身體氣腫飲食嘔逆腰脚酸疼
四肢沈重行立不能久婦人因產冷入子臟臟中不淨
或閉塞不通胞中瘀血冷滯出流不盡時時疼痛為患
或因此斷產并小兒赤白下痢及胡臭耳聾鼻塞等病
此藥以三丸為一劑服藥不過三劑萬病悉除說無窮
盡故稱萬病丸以其用牛黃為主故一名牛黃丸以耆
婆良醫故名耆婆丸方

牛黃

麝香

犀角

各一分

桑白皮

茯苓

乾薑

桂心

當歸

芍藥

芍藥

甘遂

黃芩

蜀椒

細辛

桔梗

巴豆

前胡

紫菀

蒲黃

葶藶

防風

各四分

蜈蚣

三節

石蜥蜴

人參

朱砂

雄黃

黃連

大戟

禹餘糧

芫花

芫青

七枚

右三十一味

崔氏無黃芩桑白皮桔梗防風為二十七味

並令精細牛黃

麝香犀角朱砂雄黃禹餘糧巴豆別研餘者合搗重
絹下篩以白蜜和更搗三千杵密封下破除日平旦
空腹酒服三丸如梧子大取微下三升惡水為良若
卒暴病不拘平旦早晚皆可服但以吐利為度若不
吐利更加一丸或至三丸五丸須吐利為度不得限
以丸數病強藥五服即定一服一盞治一切冷病積
冷蔭瘦者四兩和酒一斗强者六兩和酒一斗半痰
飲疝瘕上同宿食嘔吐四兩和酒一斗瘕瘕腸鳴噫

八兩和酒二斗久症及久勞上同癰痔塊堅冷嗽上
氣二十兩和酒五斗奔豚冷氣六兩和酒一斗半噎
及冷痢上同卒中惡注忤心腹脹氣急欲死者三服
定一服一盞大吐出鮮血瘴氣上同蠱毒五服定一
服一盞溫瘧瘡瘧並上同可三服一盞永瘥治婦人
諸風諸病等並依前件帶下十二兩和酒三斗崩中
六兩和酒一斗半月閉不通及冷病不產並上同斷
緒不產八兩和酒二斗月水前後不調乍多乍少亦

令人絕產四兩和酒一斗產後風冷不產六兩和酒
二斗若重者八兩和酒二斗甚者十六兩和酒三斗
大重者子宮下垂十六兩和酒四斗

論曰遠覽前古莫覩此方有高人李孝隆者自云隋初
受之於定州山僧惠通道人此後用之大有效驗祕而
不傳但得其藥其方不可得而聞始吾得之於靜智道
人將三紀於茲矣時俗名醫未之許也然比行之極有
神驗其用藥殊不倫次將服節度大不近人情至於救

急其驗特異方知神物效靈不拘常制至理關感智不能知亦猶龍吟雲起虎嘯風生此其不知所以然而然雖聖人莫之辯也故述之篇末以貽後嗣好學君子詳之非止救物兼深抑亦庶幾於博見矣

太乙神精丹治客忤霍亂腹痛脹滿尸症惡風癲狂鬼語蠱毒妖魅溫瘧但是一切惡毒無所不治方

丹砂

曾青

雌黃

雄黃

磁石

各四兩

金牙

二兩半

右六味各搗絹下篩惟丹砂雌黃雄黃三味以醯醋浸之曾青用好酒於銅器中漬紙密封訖日中曝百日經夏急五日亦得無日以火暖之然後各研令如細粉以醯酢拌使乾濕得所內土釜中以六一泥固濟勿令泄氣乾後安鐵環施脚高一尺五寸置釜上以漸放火無間軟硬炭箠皆得初放火取熟兩秤炭各長四寸置釜上待三分二分盡即益如此三度盡用熟火然後用益生炭其過三上熟火已外皆須加

火漸多及至一伏時其火已欲近釜即便滿就釜下
益炭經兩度即罷火盡極冷然後出之其藥精飛化
凝著釜上五色者上三色者次一色者下雖無五色
但色光明皎潔如雪最佳若飛上不盡更令與火如
前以雄雞翼掃取或多或少不定研和棗膏丸如黍
粒一本云丹砂曾青雄黃雌黃各二斤丹砂以大酢
瓮中漬曾青美酒漬紙密封閉日曝一百日雄
黃雌黃各油煎九日九夜去油膩訖更搗數千杵皆
勿研之別以大酢拌令浥浥然內藥土釜中以雄黃
在下次下雌黃次曾青次丹砂以甘土泥塗勿令餘
毫毛許乾以剛炭火燒之九日九夜去釜五寸九日

九夜至釜底九日九夜侵釜腹三寸三九二十七日
冷之一日一夜以刀子於釜際利著一匝開之取丹
丹成訖細研如粉以棗膏和一切丹不得用蜜皆用
棗膏學者宜知此術舊不用磁石金牙今加而用之
治偏風大風惡疾癩癰癰瘡鬼打等最良服法平旦
空腹一丸如黍米為度其瘡病積久百方不瘥又加
心腹脹滿上氣身面脚等並腫垂死者服一丸吐即
瘥亦有不吐瘥者若不吐復不瘥者更服一丸半仍
不瘥者後日增半丸漸服無有不瘥氣亦定當吐出
青黃白物其因瘡兩脇下有癰塊者亦當消除若心

腹不脹滿者可與一九日日加之以知為度不必專
須吐亦可一九即瘥勿併與服亦可三日一服皆須
以意斟酌量得其宜或腹內有水便即下者勿恠若
患瘥日近精神健亦可斟酌病人藥性併與兩丸作
一丸頓服之皆至午後食勿使冷勿使熱鼓漿粥任
意食之若病瘥盜汗虛弱者日服一九至三日吐即
止若患瘥不汗氣復不流脚冷者服一九至三日若
不汗氣復脚即暖有潤汗不至三日吐即止若患瘥

無顏色者服藥後三日即有顏色亦有須吐瘥者亦有服少許而瘥者亦有殺藥強人服三四丸始覺藥行者凡人稟性不同不可一槩與之但作黍米大服之為始漸加以知為度藥力驗壯勿併多服特慎油麵魚肉蒜當清淨服之若有患久不瘥在牀羸瘦并腹脹滿及腫或下痢者多死但與藥救之十人中或瘥三四人也又一說癰疽積聚服一刀圭以飲漿水送下治諸卒死中惡客忤霍亂腹滿體帶五尸症惡

風症忤大病相易死亡減門狂癲鬼語已死氣絕心上微暖者扶起其頭以物校開口不可開琢去兩齒以漿飲送藥藥下即活諸久病者日服一刀圭覆令汗汗出即愈不愈者不過再服亦有不汗而瘥復有不汗不愈者服如上法加半刀圭以瘥為度常以絳囊帶丸刀圭散男左女右小兒繫頭上辟瘴毒惡時氣射公小兒患可苦酒和之塗方寸紙上著兒心腹上令藥在上治之亦有已死者冬二日夏一日與此

藥服得藥下便活若不得入腹不活若加金牙磁石者服至五服內必令人吐逆下利過此即自定其藥如小豆大為始從此漸小不得更大大風惡癲可二十服偏風癱瘓諸惡風癲病等亦可二十服自餘諸惡病者皆止一二服量人輕重強弱不得多與若欲解殺藥但爛煮食肥猪肉服此藥後小應頭痛身熱一二日來大不能得食味後自漸得氣味五日後更能食若貪食過多者宜節之若服藥下悶亂可煮水

防已湯服之即定凡言刀圭者以六粟為一刀圭一
說云三小豆為一刀圭

作土釜法

其法取兩箇瓦盆各受二大斗許以甘土塗其內令
極乾又一法作一瓦釜作一熱鐵釜各受九升瓦在

上鐵在下其狀大小隨藥多少不必依此說

一本云
搗好甘

土絹篩水和作泥硬軟如坭瓦泥泥一升內細紙封
搗可受十斤亦可隨藥多少作之陰乾三十日置日
中曝亦三十日日夕翻轉向日乾訖以糠五碩內釜
糠中四向土攪攪之令糠徧釜周回上下各厚七寸

以火從下放五日五夜勿令人近之待冷一日一夜
乃取掃拭令淨以黃丹醋和如稀粥掃其中令厚一
分乃內藥凡合九丹八石招魂太清神仙諸大丹皆
用此釜作之萬成終不落節其古釜六一泥及鐵釜
皆除去之勿更用也此釜一具前後數十回用不動
久久轉此法師甚祕之余欲令當來天下學士得解
之所以委曲具述之也

作六一泥法

赤石脂

牡蠣

滑石

礬石

黃礬

鹵土

蚯蚓尿

各二兩

右取醃酢以足為度若無鹵土以鹽代之先作甘土

泥以泥各別罍前黃礬等五種作團罍之勿令泄氣
以火燒周三日最好一日亦得出火破團取藥各擣
碎絹篩然後與蚯蚓屎鹵土等分以酢和之如稠粥
即得好酢可用二分酢一分水和用取前瓦盆以此
泥塗之曾青如蚯蚓屎如黃連佳世少此者好崑崙
碌亦得瘥病丹砂亦尠粟砂亦得舊不用磁石金牙
今加之

用治驚種惡風神良凡有患連年積歲不可治者宜須合此一篇皆以王相日天晴明齋

戒沐浴如法合之

述曰古之仙者以此救俗特為至祕余以大業年中數以合和而苦雄黃曾青難得後於蜀中遇雄黃大賤又於飛鳥玄武大獲曾青蜀人不識今須識者隨其大小但作蚯蚓屎者即是如此千金可求遂於蜀縣魏家合成一釜以之治病神驗不可論宿癥風氣百日服者皆得痊愈故序而述焉

凡雄黃皆以油煎九日九夜乃可入丹不爾有毒慎勿生用丹必熱毒不堪服宜慎之

倉公散治卒鬼擊鬼疰鬼刺心腹痛如刺下血便死不

知人及臥魘齩脚腫不覺者諸惡毒氣病方

此是漢文帝時太倉

令淳于意方故名

特生礬石 皂莢

雄黃

藜蘆

各等分

右四味治下篩取如大豆許內管中吹入病人鼻得嚏則氣通便活若未嚏復更吹之以得嚏為度此藥起死回生

小金牙散治南方瘴癘疫氣脚弱風邪鬼疰方

金牙分五

雄黃

草薢

黃芩

蜀椒

由跋

桂心

莽草

天雄

朱砂

麝香

烏頭分各二

牛黃分一

蜈蚣一枚六寸者

細辛

萎蕤

犀角

乾薑分各三

黃連分四

右十九味治下篩合牛黃麝香搗三千杵溫酒服錢五七日三夜二以知為度絳囊盛帶男左女右一方寸匕省病問孝不避夜行塗人中晨昏霧露亦塗之

大金沙散治一切蠱毒百症不祥醫所不治方

金牙

鸛骨

石膏各八分

斑猫七分

活草子

胡燕矢

白朮

雷丸

龍牙

各六分

銅鏡鼻

梔子仁

乾漆

龜甲

鼈甲

鬼督郵

桃白皮

大黃

各四分

桂心

芍藥

徐長卿

羚羊角

射干

升麻

鳶尾

馬目毒公

蜂房

細辛

乾薑

芒硝

由跋

犀角

甘草

狼毒

蜚螋

龍膽

狼牙

雄黃

真珠

各三分

芫花

莽草

射罔

烏梅

各一分

蛇蛻皮

一尺

鐵精

赤小豆

合一

地膽

樗雞

芫青

各七枚

桃奴

巴豆

各二七枚

右五十味治下篩服一刀圭稍加至二刀圭帶之辟

百邪治九十九種症

一本有麝香無白朮

備急千金要方卷三十九

欽定四庫全書

備急千金要方卷四十

唐 孫思邈 撰

宋 林億等 校正

心臟方

心臟脉論第一

論曰心主神神者五臟專精之本也為帝王監領四方
夏王七十二日位在南方離宮火也有生之來謂之精
兩精相搏謂之神所以任物謂之心神者心之藏也舌

者心之官故心氣通於舌舌和則能審五味矣心在竅
為耳夫心者火也腎者水也水火相濟心氣通於舌舌
非竅也其通于竅者寄見於耳左耳丙右耳丁循環炎
宮上出脣口知味榮華於耳外主血內主五音心重十
二兩中有三毛七孔盛精汁三合神名吶吶主藏神號
五神居隨節應會故云心藏脉脉舍神在氣為吞在液
為汗心氣虛則悲不已實則笑不休心氣虛則夢救火
陽物得其時則夢燔灼心氣盛則夢喜笑及恐畏厥氣

客於心則夢邱山煙火凡心臟象火與小腸合為腑其
經手少陰與太陽為表裏其脉洪相于春王于夏夏時
萬物洪盛垂枝布葉皆下垂如曲故名鉤心脉洪大而
長洪則衛氣實實則氣無從出大則榮氣萌萌洪相薄
可以發汗故名曰長長洪相得即引水漿溉灌經絡津
液皮膚太陽洪大皆是母軀幸得戊巳用牢根株陽氣
上出汗見于頭五內乾枯胞中空虛醫反下之此為重
虛脉浮有表無裏陽無所使不但危身并中其母

夏脉如鉤夏脉心也南方火也萬物之所以盛長也故其氣來盛去衰故曰鉤反此者病何如而反其氣來盛去亦盛此謂太過病在外其來不盛去反盛此謂不及病在內太過則令人身熱而膚痛為浸淫不及則令人煩心上見欬唾下為氣泄

心脉來累累如連珠如循琅玕曰平夏以胃氣為本心脉來喘喘連屬其中微曲曰心病心脉來前曲後居如操帶鉤曰心死

真心脉至堅而搏如循薏苡子累累然色赤黑不澤毛折乃死

夏胃微鉤曰平鉤多胃少曰心病但鉤無胃曰死胃而有石曰冬病石甚曰今病

心臟脉脉舍神怵惕思慮則傷神神傷則恐懼自失破胭脫肉毛悴色夭死于冬

手少陰氣絕則脉不通少陰者心脉也心者脉之合也脉不通則血不流血不流則髮不澤面黑如漆葉者血

先死壬篤癸死水勝火也

心死藏浮之實如豆麻擊手按之益躁疾者死夏心火

王其脉浮大而散

一作弦

日平反得弦細而長者是肝之

乘心母之歸子為虛邪雖病易治反得大而緩者是脾
之乘心子之乘母為實邪雖病自愈反得沉濡而滑者
是腎之乘心水之尅火為賊邪大逆十死不治反得微
澀而短者是肺之乘心金之陵火為微邪雖病即瘥腎
乘心必瘥

左手關前寸口陰絕者無心脉也若心下熱痛掌中熱
時時善嘔口中傷爛刺手少陽治陽左手關前寸口陰
實者心實也若心下有水氣憂恚發之刺手心主治陰
心脉來累累如貫珠滑利再至曰平三至曰離經病四
至脫精五至死六至命盡手少陰脉也

心脉急甚為瘕瘕微急為心痛引背食不下緩甚為狂
笑微緩為伏梁在心下上下行有時唾血大甚為喉介
微大為心痺引背善淚出小甚為善噦微小為消痺滑

甚為善渴微滑為心疝引臍小腹鳴瀉甚為瘖微瀉為血溢維厥耳鳴癰疾

心脉搏堅而長當病舌卷不能言其濡而散者當病消

渴自已

渴一作環

赤脉之至也喘而堅詮曰有積氣在中時害於食名心痺得之外疾思慮而心虛故邪從之扁鵲曰心有病則口生瘡腐爛

心在聲為笑在變動為憂在志為喜喜傷心精氣并於

心則喜心虛則悲悲則憂實則笑笑則喜

時主夏病者時間時甚知其源取其輸觀其應審其害
病先發于心者心痛一日之肺喘欬三日之肝脇痛支
滿五日之脾閉塞不通身痛體重三日不已死冬夜半
夏日中

病在心日中慧夜半甚平旦靜

假令心病北行若食豚魚得之不者當以冬時發得病
以壬癸日方

凡心病之狀胃內痛脇支滿兩脇下痛膺背肩甲間痛
兩臂內痛虛則胃腹大脇下與腰背相引而痛取其經
手少陰太陽舌下血者其變病刺郄中血者

心脉沉之小而緊浮之不喘苦心下聚氣而痛食不下
喜咽唾時手足熱煩滿時忘不樂喜太息得之憂思

心病其色赤心痛短氣手掌煩熱或啼笑罵詈悲思愁

慮面赤身熱其脉實大而數此為可治宜服

關宜服春
者藥

當刺中衝夏刺勞宮季夏刺太陵皆補之秋刺間使冬

刺曲澤皆瀉之

皆是手心中
胞絡經

又當灸巨闕五十壯背第

五椎百壯邪在心則病心痛善悲時眩仆視有餘不足而調其輸

愁憂思慮則傷心心傷則苦驚喜忘善怒

心中風者翕翕發熱不能起心中飢則飲食食則嘔

心中寒者其人病心如噉蒜齏狀劇者心痛徹背背痛

徹心如蠱注其脉浮者自吐乃愈也

心傷其人勞倦頭面赤而下重心中痛徹背自煩發熱

當臍跳手其脉弦此為心臟傷所致也

邪哭使魂魄不安者血氣少也血氣少者屬於心心氣虛者其人即畏合目欲眠夢遠行而精神離散魂魄妄行陰氣衰者即為癰陽氣衰者即為狂五臟者魂魄之宅舍精神之所依託也魂魄飛揚者其五臟空虛也即邪神居之神靈所使鬼而下之脉短而微其藏不足則魂魄不安魂屬於肝魄屬於肺肺主津液即為涕泣出肺氣衰者即泣出肝氣衰者魂則不安肝主善怒其聲

呼

心水者其人身體腫

一作重

而少氣不得卧煩而躁其陰

大腫真心痛手足清至節心痛甚者旦發夕死夕發旦死

心腹痛懊懣發作腫聚往來上下行痛有休作心腹中熱善渴涎出者是虵咬也以手聚而堅持之無令得移以大針刺之久持之蟲不動乃出針腸中有蟲虵咬皆不可取以小針

心脹者煩心短氣卧不安

凡心脉急名曰心疝小腹當有形其以心為壯藏小腸為之使故小腹當有形

診得心積沉而芤時上下無常處病胃滿悸腹中熱面赤咽乾心煩掌中熱甚則唾血身癢癰主血厥夏差冬劇色赤也

心之積名曰伏梁起於臍上上至心大如臂久久不愈病煩心心痛以秋庚辛日得之何也腎病傳心心當傳

肺肺適以秋王王者不受邪心復欲還腎腎不肯受因留結為積故知伏梁以秋得之

心病煩悶少氣大熱熱上傷心嘔欬吐逆狂語汗出如珠身體厥冷其脉當浮今反沉濡而滑其色當赤而反黑者此是水之尅火為大逆十死不治

徵音人者主心聲也心聲笑其音竽其志喜其經手少陰厥逆太陽則榮衛不通陰陽反錯陽氣外擊陰氣內傷傷則寒寒則虛虛則驚悸心悸定心湯主之

方見別卷語

聲前寬後急後聲不續前混後濁口喎冒昧好自笑此
為厲風入心荊瀝湯主之

方見別卷

心虛風寒半身不遂骨

節離解緩弱不收便利無度口面喎邪薑附湯主之

方見

別此病不盈旬日宜急治之又笑而呻呻而反憂此為
水剋大陰擊陽陰起而陽伏伏則實實則傷熱熱則狂
悶亂冒昧言多謬誤不可採聽此心已傷若其人口唇
正赤可療青黃白黑不可療也

心病為瘡者令人心煩甚欲得清水反寒多不甚熱

方見

別卷 若其人本來心性和雅而忽弊急反於常白朮酒主

之

方見別卷

或言未竟便住以手剔脚爪此人必死禍雖未

及名曰行尸此心病聲之候也虛則補之實則瀉之不可治者明以察之

赤為心心合脉赤如雞冠者吉心主舌舌是心之餘其
人大形相比於上微赤色廣明兌面小頭好肩背髀腹
小手足形安地疾行搖肩背肉滿有氣輕財少信多慮
見事明了好顧急心不壽暴死耐春夏不耐秋冬

感而生病主手少陰竅竅然髑髒長短傾正則心應之
正赤色小理者則心小小則邪弗能傷易傷以憂粗理
者則心大大則虛虛則寒寒則憂不能傷易傷於邪無
髑髒者則心高高則實實則熱熱則滿于肺中悶而善
忘難開以言髑髒小短舉者則心下下則藏外易傷于
寒易恐以言髑髒長者則心堅堅則藏安守固髑髒弱
以薄者則心脆脆則善病消痺熱中髑髒直下不舉者
則心端正端正則和利難傷髑髒向一方者則心偏傾

偏傾則操持不一無守司也

下云若髑髏小短薄弱而下則心下下則虛虛則傷

寒病憂患內損心暴痛而好唾清涎口臭蟲齒痛侵脣齒若髑髏高起則心高高則實實則熱熱則滿于心悶而善忘恐悸喉燥口痛牙癰舌傷小兒則便秘口重舌鵝口聲嘶方見頭面篇中 凡人部分陷

起者必有病生小腸太陽為心之部其處陷起即病生矣藏舍內外沉濁屬內浮清居外若外病內入小腹滿起內病裏出所部陷沒外入內前治陽後補陰內出外前補陰後瀉陽陽則實熱陰則虛寒在陽主外在陰主內凡人死生休咎則藏神前變形于外人心前病則口

為之開張若心前死則枯黑語聲不轉若天中等分墓
色應之即死不治看應增損斟酌餘促餘則不出四百
日內促則不勝旬月之間心病少愈而卒死何以知之
曰赤黑色黯點顏即若見顏度年上必卒死心絕一日
死何以知之兩目回回直視肩息立死凡面赤目白憂
患思慮心氣內索面色反好急求棺槨不過十日死又
面黃目赤不死赤如衄血死吉凶之色若在于分部眦
眦而見赤黑入口此必死不出其年名曰行尸若年上

無應三年之中病必死矣

夏大心脉色赤主手太陽也夏取盛經分腠夏者火始
治心氣始長脉瘦氣弱陽氣留滯熱熏分腠內至于經
故取盛經分腠絕膚而病去者邪居淺也所謂盛經者
陽脉也其脉本在外踝之後應在命門之上三寸命門
者在心上一寸也脉根在少澤少澤在手小指端

其筋起於小指之上結於腕上循臂內廉結肘內兗骨
之後彈之應小指之上入結腋下其支者後走腋後廉

上繞肩甲循頸出足太陽之筋前結于耳後完骨其支者入耳中直出耳上下結于額上屬目外眥

其脉起于小指之端循手外側上腕出踝中直上循臂骨下廉出肘內側兩骨之間上循臑外後廉出肩解繞肩甲交肩上入缺盆向腋絡心循咽下膈抵胃屬小腸其支者從缺盆循頸上頰至目眦眥却入耳中其支者別頰上頰抵鼻至目內眥斜絡于顴合手少陰為表裏少陰本在兗骨之端應在背後同會于手太陰

其手太陽之別名曰支正上腕五寸內注少陰其別者
上走肘絡肩髃主心生病病實則小腸熱熱則節弛弛
則陽病陽脉大反逆于寸口再倍病則噤痛頷腫耳聾
目黃卧不能言悶則急坐虛則小腸寒寒則生肱腕則
陰病陰脉反小于寸口過於一倍病則短氣百節痛筋
急頸痛不能轉顧此盡是手太陽小腸經筋脉支別為病今取心主胞絡少陰心經附于後
手心主之別名曰內關去腕五寸甲乙作二寸出于兩筋間
循經以上繫於心包絡心系氣實則心痛虛則為煩心

取之兩筋間

手心主之脉起于胃中出屬心包下膈歷絡三焦其支者循胃出脇下腋三寸上抵腋下循臑內行太陰少陰之間入肘中下臂行兩筋之間入掌中循中指指出其端其支者別掌中循小指次指出其端也動則病手心熱肘臂攣急腋腫甚則胸脇支滿心中澹澹大動面赤目黃善笑不休是主脉所生病者煩心心痛掌中熱為此諸病盛則瀉之虛則補之熱則疾之寒則留之陷下則

炎之不盛不虛以經取之盛者則寸口大一倍于人迎
虛者則寸口反小于人迎

手少陰之別名曰通理在腕後一寸別而上行循經入
咽中系舌本屬目系其實則大膈虛則不能言取之掌
後一寸別走太陽

手少陰之脉起于心中出屬心系上膈絡小腸其支者
從心系上俠咽系目系

系曰系一作
循胸而出脇

其直者復從心系

却上肺出腋下下循臑內後廉行太陰心主之後下肘

內廉循臂內後廉抵掌後兌骨之端入掌後內廉循小
指之內出其端是動則病噎乾心痛渴而欲飲是為臂
厥是主心所生病者目黃脇滿痛臍臂內後廉痛厥掌
中熱痛為此諸病盛則瀉之虛則補之盛者則寸口大
再倍于人迎虛者則寸口反小於人迎

手少陰之脉獨無輸何也曰少陰者心脉也心者五臟
六腑之大主也為帝王精神之所舍其藏堅固邪不能
容容之則傷心心傷則神去神去則身死矣故諸邪在

於心者皆在心之包絡包絡者心主之脉也故少陰無輸也少陰無輸心不病乎曰其外經腑病臟不病故獨取其經于掌後兌骨之端也

夏三月主心小腸赤脉攢病也其源從少陰太陽之氣相搏而停則榮衛不通皮肉痛起太陽動發少陰淫邪之氣因而作則臟腑隨時受夏疫病也其病相若腑虛則為陰邪氣所傷身戰脉掉捉所不禁臟實則為陽毒所侵肉熱口開舌破咽塞聲嘶故曰赤脉攢病

方見傷寒卷中

扁鵲云灸腎肝心三輸主治丹

一作痺

毒病當依源為治

表治陰陽調和臟腑疾不生矣

心虛實第二

灸法 脉方

心實熱

左手寸口人迎以前脉陰實者手少陰經也病苦閉大
便不利腹滿四肢重身熱名曰心實熱也

石膏湯治心熱實或欲吐吐而不出煩悶喘急頭痛方

石膏

斤一

淡竹葉

香豉

各一 升

小麥

升三

地骨皮

五兩

茯苓

三兩

梔子仁

三七枚

右七味㕮咀先以水一斗五升煮小麥竹葉取八升

澄清次下諸藥煮取二升去滓分三服

外臺名
瀉肺湯

瀉心湯治老小下利水穀不消腸中雷鳴心下痞滿乾

嘔不安方

人參

黃芩

甘草

各一兩

乾薑

一兩半

黃連

二兩

半夏

三兩

大棗

十二枚

右七味㕮咀以水八升煮取二升半分三服并治霍

亂若寒加附子一枚渴加栝蒌根二兩嘔加橘皮一兩痛加當歸一兩客熱以生薑代乾薑

心小腸俱實

左手寸口人迎以前脉陰陽俱實者手少陰與巨陽經俱實也病苦頭痛身熱大便秘心腹煩滿不得卧以胃氣不轉水穀實也名曰心小腸俱實

竹瀝湯治心實熱驚夢喜笑恐懼不安方

淡竹瀝

生地黃汁

各一升

石膏

八兩

芍藥

白朮

人參

梔子仁

各二兩

赤石脂

紫莞

知母

茯神

各二兩

右十一味㕮咀以水九升煮十味取二升七合去滓下竹瀝更煎取三升若須利入芒硝二兩去芍藥分三服

茯神散治心實熱口乾煩渴眠卧不安方

茯神

麥門冬

各三十
六銖

通草

升麻

各三十
銖

紫莞

桂心

各十
銖

知母

一兩

赤石脂

四十
二銖

大棗

二十
枚

淡竹茹

雞子大
一枚

右十味治下篩為粗散以帛裹方寸匕井花水二升

半煮取九合時動裹子為一服日再

瀉心湯治心氣不足吐血衄血方

大黃

二兩

黃連

黃芩

各一
兩

右三味咬咀以水三升煮取一升頓服亦治霍亂

安心散治心熱滿煩悶驚恐方

白芍藥

遠志

宿薑

二兩

茯苓

赤石脂

麥門冬

知母

紫菀

石膏

各四十
二銖

人參

二十
四銖

桂心

麻黃

黃芩

各三
十銖

萎蕤

三十
六銖

甘草

十二
銖

右十五味治下篩為粗散先以水五升淡竹葉一升
煮取三升去滓煮散一方寸匕半以絹裏煮時動之
煎取八合為一服日再

治不能食胃中滿膈上逆氣悶熱方

炙心輸二七壯小兒減之

心虛寒

左手寸口人迎以前脉陰虛者手少陰經也病苦悸恐不樂心腹痛難以言心如寒恍惚名曰心虛寒也

茯苓補心湯治心氣不足善悲愁恚怒衄血面黃煩悶五心熱或獨語不覺咽喉痛舌本強冷涎出一作汗出善忘恐徙不定婦人崩中面色赤方

茯苓

兩四

桂心

甘草

兩各二

紫石英

人參

兩各一

大棗

枚二十

麥門冬

兩三

赤小豆

四枚

右八味呖咀以水七升煮取二升分三服

半夏補心湯治心虛寒心中脹滿悲憂或夢山丘平澤

者方

半夏

兩六

宿薑

兩五

茯苓

桂心

枳實

橘皮

兩各三

白朮

兩四

防風

遠志

兩各二

右九味呖咀以水一斗煮取三升分三服

牛髓圓通治百病虛瘠羸乏等方

牛髓

羊髓

棗膏

白蜜

酥各一升

麥門冬

芎藭

桂心

當歸

茯苓

一云茯苓神

甘草

羌活

各三十銖

乾地黄

乾薑

三十銖六銖

五味子

人參

防風

各一兩

細辛

十八銖

白朮

四十銖二銖

右十九味切搗十四味再篩別研棗膏和散次與諸髓蜜和攪令相得內銅鉢中於釜沸湯中煎之取堪為丸如梧子大酒服三十丸稍加至四十丸日再服

心小腸俱虛

左手寸口人迎以前脉陰陽俱虛者手少陰與巨陽經俱也病苦洞泄若寒少氣四肢厥腸澼名曰心小腸俱虛

大補心湯治虛損不足心氣弱悸或時妄語四肢損變氣力顏色不榮方

黃芩

附子

各一兩

甘草

茯苓

麥門冬

乾地黄

桂心

阿膠

各三兩

半夏

遠志

石膏
各四兩

生薑
六兩

粘糖
一斤

大棗
二十枚

右十四味取十三味㕮咀以水一斗五升煮取五升

湯成下糖分四服

補心圓治臟虛善恐怖如魘狀及女人產後餘疾月經
不調方

當歸

防風

芎藭

附子

芍藥

甘草

蜀椒

乾薑

細辛

桂心

半夏

厚朴

大黃

猪苓

各一兩

茯苓

一方用茯苓神

遠志

各二兩

右十六味為末蜜丸如梧子酒服五丸日三不知加至十丸冷極加熱藥

心勞第三

方論

論曰心勞病者補脾氣以益之脾王則感於心矣人逆夏氣則手太陽不長而心氣內洞順之則生逆之則死順之則治逆之則亂反順為逆是謂關格病則生矣

大黃洩熱湯治心勞熱口為生瘡大便苦難閉澀不通
心滿痛小腸熱方

大黃

澤瀉

黃芩

芒硝

梔子仁

三兩

桂心

通草

二兩

石膏

八兩


甘草

一兩

大棗

二十枚

右十味㕮咀用水九升先以水一升別漬大黃一宿
餘八升水煮諸藥取二升五合去滓下大黃煮兩沸
去滓下芒硝令烱分三服



欽定四庫全書

備急千金要方

備急千金要方卷四十